



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-004-4/22**
Datum: **17.02.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „AKOVA IMPEX” d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda iz pogona za preradu mesa sa pratećim sadržajima, izgrađenih u ulici Mostarsko raskršće bb, općina Hadžići, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „AKOVA IMPEX” d.o.o. Sarajevo, daje se vodna dozvola za ispuštanje tehnoloških otpadnih voda iz pogona za preradu mesa sa pratećim sadržajima, izgrađenih u ulici Mostarsko raskršće bb, općina Hadžići, izgrađene na zemljištu označenom kao k.č. br. 269/1, 269/4, 269/7, 269/8, 269/11, 269/13, 269/15, 216/1 i k.č. 234 K.O. Binježevo, općina Hadžići.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „AKOVA IMPEX” d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu proizvodno-poslovnog objekta za preradu mesa sa pratećim sadržajima, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. (prilog 8) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.3. Čišćenje uređaja za tretman tehnoloških otpadnih voda i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring a prije miješanja sa oborinskom vodom u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvrještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20)
- 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.7. Da se u skladu sa propisima iz oblasti zaštite okoliša vrši bezbijedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija u tlo i vode).
 - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje IV-utvrđivanje (izračunavanje) broja ekvivalentnih stanovnika, korisnik je za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „AKOVA IMPEX“ d.o.o. Sarajevo, zahtjevom broj: 05/22 od 05.01.2022 godine se obratilo ovoj Agenciji za donošenje rješenja o vodnoj dozvoli za preradu mesa sa pratećim sadržajima, izgrađenih u ulici Mostarsko raskršće bb, općina Hadžići, izgrađene na zemljištu označenom kao k.č. br. 269/1, 269/4, 269/7, 269/8, 269/11, 269/13, 269/15, 216/1 i k.č. 234 K.O. Binježevo, općina Hadžići.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija Rješenja aktuelnog izvoda iz sudskog registra broj: 065-0-RegZ-21-010631 od 19.11.2021. godine izdato od strane Općinski sud u Sarajevu,

- Uvjerenja o poreznoj registraciji izdato od strane Kantonalnog poreznog ureda Sarajevo od 07.12.2002. godine- ovjerena kopija,
- Kopija uplatnice administrativne takse i biljega,
- Rješenje o odobrenju za građenje broj: 07-23-3-1301/2014 od 15.05.2014. godina izdato od strane Služba za prostorno uređenje, urbanizam i građenje -kopija,
- Rješenje o odobrenju za upotrebu broj: 07-23-4-3743/2014 od 01.12.2014. godina izdato od strane Služba za prostorno uređenje, urbanizam i građenje -kopija,
- Rješenje o odobrenju za građenje broj: 07-23-4-2013/2016 od 03.08.2016 godina izdato od strane Služba za prostorno uređenje, urbanizam i građenje -kopija,
- Rješenje o odobrenju za upotrebu broj: 07-23-4-3309/2016 od 06.12.2016 godine izdato od strane Službe za prostorno uređenje, urbanizam i građenje, Općina Hadžići,
- Rješenje o odobrenju za upotrebu broj: 07-23-4-172/2010 od 18.02.2010 godine izdato od strane Službe za prostorno uređenje, urbanizam i građenje, Općina Hadžići,
- Mišljenje broj: 05-19-46277/21 od 20.12.2021 godine izdato od strane Ministarstva komunalne privrede, infrastrukture, prostornog uređenja, građenja i zaštite okoliša Kanton Sarajevo -kopija.
- Rješenje o vodnoj dozvoli broj: UP-I/25-3-40-008-3/17 od 30.01.2017. godine, izdato od strane „Agencije za vodno područje rijeke Save“ Sarajevo, - kopija,
- Ugovor o iscrpavanju i odvođenju otpadnih voda i ostalih usluga br. 604/15 od 19.02.2015. godine, izdat od strane JKP „Komunalac“ d.o.o. Hadžići - kopija,
- Ugovor o koncesiji za korištenje pitke vode iz bunara OB-1 broj: 1316/13 zaključen dana 05.06.2013. godine između „AKOVA IMPEX“ d.o.o. Sarajevo i Vlade Kantona Sarajevo,
- Zbirni izvještaj o ispitivanju kvaliteta otpadnih voda za 2021 godinu, urađen od strane „TQM“ d.o.o. Lukavac.

B. Tehnička dokumentacija

- Glavni projekat uređaja za predtretman otpadnih voda za pogon prerade mesa „Akova Impex“ d.o.o. Sarajevo, urađen od strane „Instituta za hidrotehniku“ d.d. Sarajevo, juni 2013. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-004-3/22 od 10.02.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće: Kompleks „Akova Impex“ d.o.o. Sarajevo, u kome su locirani pogoni mesne industrije sa pratećim sadržajima, nalazi se na lokalitetu u Blažuju, Mostarsko raskršće bb, općina Hadžići.

Predmetni kompleks okružen je sa dva vodotoka (Zujevina i Rakovica).

Kompleks objekta čine cjeline i to: pogon za preradu goveđeg mesa, pogon za preradu pilećeg mesa, energo blok (kotlovnica na plin), objekti za održavanje, upravna zgrada, portirnica i drugi prateći vezani za predmetnu djelatnost.

Maksimalni instalirani kapacitet je 55 t/dan a trenutni kapacitet je je 25 t/dan gotovog proizvoda.

Snabdijevanje vodom za sanitarne i tehnološke potrebe predmetnog kompleksa se vrši iz bunara označenog sa OB-1 a za koji je podnosilac zahtjeva pribavio vodni akt od ove Agencije.

Tehnološke otpadne vode u industriji za preradu mesa nastaju u različitim proizvodnim procesima i mogu biti različitog tipa: prilikom pripreme i prerade mesa, kod pranja podova pogona i opreme koja se koristi kod proizvodnje mesnih prerađevina, iz kotlovnice u procesu proizvodnje vodene pare, iz objekta za održavanje vozila.

U otpadnoj vodi iz pogona za preradu mesa nalaze se rastvorene organske materije, masti, ulja, suspendovane materije, nitrati, nitriti, amonijak i fosfati, soli te rezidue sredstava za čišćenje i dezinfekciju kao što su alalne i kisele supstance.

Prečišćavanje tehnoloških otpadnih voda započinje u samom pogonu za preradu mesa odvajanjem krupnog otpada pomoću rešetki i sifona koji su postavljeni na podovima radnih prostorija. Za prihvatanje otpadnih voda iz procesa prerade mesa i mesnih prerađevina, izgrađen je dvokomorni podzemni objekat – taložnik.

U prvoj manjoj komori se vrši taloženje čvrstih materija i izdvajanje masnoća na površini vode uz miješanje vode i doziranje koagulanta aluminijum sulfata, iz posebne posude zapremine 1000 l.

Otpadna voda sa dna navedene komore ulazi u veliki taložnik gdje se zadržava cca 6 sati u kojem dolazi do dodatnog taloženja flokula na dnu taložnika a eventualno prisutna ulja, masti, pjene i drugi lakše materije plutaju na površini. Preljev iz taložnika se preko prelivne građevine, koja je djelimično potopljena da bi onemogućila izlazak plutajućeg opada, priključuje preko revizionog okna „1“ na postojeći kolektor kanalizacije u krugu „Akova Impex“ d.o.o. Sarajevo, a potom se priključuje na kolektor Hadžići –Butila.

Čišćenje uređaja za predtretman otpadnih voda vrši ovlaštena firma JKP „Komunalac“ d.o.o. Hadžići prema sklopljenom ugovoru.

Na lokaciji se nalazi kotlovnica koja koristi plin kao gorivo. Kao alternativno gorivo koristi se lož ulje a koje se skladišti u podzemnom namjenskom rezervoaru. Kapacitet rezervoara je po 30 000 l.

Zbirni izvještaj rezultata ispitivanja kvaliteta tehnoloških otpadnih voda, za 2021 godinu, urađeni od strane „TQM“ d.o.o. Lukavac ukazuje da parametri kvaliteta tehnološki otpadnih voda su u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „Akova Impex“ d.o.o. Sarajevo, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „Akova Impex“ d.o.o. Sarajevo, Mostrarsko raskšće bb, Hadžići (Prilog-tehnička dokumentacija pod tačkom B obrazloženja Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo